

161

165

178

183

193

1

TE HENEURAA API

NENEIHIA I ROTO I TE PIHA NENEIRAA A TE EKALLESIA A IESU MESIA I TE
FEIA MO'A I TE MAU MAHANA HOPEA NEI.
PAPEETE, TAHITI, I TE MAU AVA'E ATOA.

*Te hoo: E 5 farane i te matahiti hoê
e e 10 farane no na matahiti e toru.*

No. 1

Tenuare 1938.

Mat. 32.

UA ITEAHIA MAU ANEI TE HAAPAORAA
MOROMONA EI

Uputa No Te Qaoa?

Parau Tumu: TE PURE.

1

*Te hiaai mau o te aau
I parau ore hia
E ama noa'i te mana'o,
Te pure mau ia.*

2

*Te tai o te aau oto
Te roimata tahe,
Te hi'o-tia-raa'tu i ô,
E pure mau ana'e.*

3

*Te papu ra te parau pure
I te mau tamarii;
I te mau parau atoa nei,
Aita'tu parau rahi.*

1

*Ia pure i tau pureraa e ere o te parau ana'e ra,
Maori ra ia ite au te mau parau ta'u e parau atu,
Maoti ra ia feruri au e, o vai ta'u e pure,
E i reira, ma to'u atoa ra mafatu, e titau vau i ta'na haamaitai.*

E a vaiiho ia'u, ia tae i te taime e pure ai au,
 Eiaha ia mana'o noa i te parau ta'u e parau atu,
 Ia titau ma to'u hinaaro mau,
 Ia haere atoa tau mafatu ra, e ta'u pure ra hoi.

Ua riro te pure ei faaaruraa no Iosepha Semita. Iakobo 1:5-6. Na roto i te pure ua faaorahia o Paulo e ua farii oia i te Varua Maitai. Mai to Paulo faafariuraa hia mai, mai reira atoa to Alama faafariuraa hia mai, oia hoi, na roto i te haapaeraa maa e te pure o te feia parau-tia. Mosia p. 17, Alama pene 36.

Hopoi mai na outou i te ahuru atoa o te mau ta'oa i roto i te fare vairaa, ia maahia tau fare nei. III Nephi 24:10.

E ITI ANEI TE ORA?

E TE Fatu, *E iti anei te ora?* Ua papu maitai ta Iesu pahonora mai: 'E faaitoitō i te tomo na te uputa pirihaō; e faaite atu hoi au ia outou, e rave rahi te tamata noa i te tomo i reira, e e ore roa e ô. Ua tia ana'e hoi te taata utuafare i nia, e ua haaman i te uputa, e ua tia mai outou i rapae au mai, patoto mai ai i te uputa, a na ô mai ai e, 'E te Fatu', iriti a'e ia matou: e riro Oia i te na ô mai ia outou, aore au i ite ia outou e to outou ra vahi.'

Te faaroo nei matou e, i taua mau faaueraa ra: te matamua raa, o te faaroo ia i to tatou Fatu ia Iesu Mesia; te piti, te tatarahaparaa ia; te toru ra, te bapetizoraa ia i raro i te pape ia matara te hara; te maha ra, te tuuraa ia i te rima no te horoaraa'tu i te Varua Maitai.

Te ture matamua o taua uputa nei, o te faaroo ia, oia hoi, te tiaturiraa i te mau mea e tiaihia nei, e te ite i te mau mea aore e hi'ohia nei. Te ite papu ia Iesu mai te Faaora o to te ao atoa nei, te Tamaiti Fanau-Tahi o te Atua Metua, e ia ite hoi e, na roto ana'e i To'na ra I'oa e roaa mai ai te ora ia

tatou
tizor
ore o
ia rin
vini
tou f

E
uputa
tou o
hana
e rav
reira
haap
Ia'na
te pa

E
te ha
tia i
mo'a
raa i
ta'na
raa n
tatara
haere
i roto
huru
te me
to ra
marii
raa,
hanal
maita
to te
hoi, e
mau

E i
papu
a te A

Ua
te Va

tatou. E mea tia roa ia haapapu i te faaroo hou a'e te bapetizoraa, no te mea, eita te taata faaapu e tanu i te huero ia ore oia e mana'o e, e faahotu mai taua huero ra i te maa e ia riro ei maitai no'na; hoê â ia ia tatou nei, eita tatou e tavini i te Fatu, ia ore tatou i mana'o e, e faahotu mai to tatou faaroo ora i te utu'a maitai na tatou.

E na te faaroo puai e faatupu mai i te piti o te ture o te uputa nei, oia hoi, te *tatarahaparaa*. I reira e tupu ai to tatou oto no te mau ohipa tia ore ta tatou i rave i te mau mahana tei mairi i muri ra. E e faarue ê hia te reira e e ore roa e rave faahou-hia, oi vai a'e te faaroo (ite), no te mea te reira te mea e ite ai tatou e, ua faaroo (ite) tatou ia'na, ia haapao tatou i Ta'na parau; o te parau e, ua faaroo (ite) Ia'na e aore oia i haapao i Ta'na parau, e haavare oia, aore te parau mau i roto ia'na.

E te toru ra, o te *bapetizoraa* ia i raro i te pape ia matara te hara— No te aha i bapetizohia'i ia matara te hara? Ia faatia i ta te Atua ture mure ore, ia faatia i Ta'na Autahu'araa mo'a, e ia fafau i te hoê faufaa i te Fatu no te tapea maite-raa i ta'na mau faaueraa, e ia tauturu Ia'na i te paturaa i ta'na basileia i nia i te fenua nei. E taipe mau te bapetizoraa no te fanauraa, mai teie te huru: Ua pohe te hara i te tatarahaparaa, e ia tanuhia i roto i te menema pape ra, e ia haere mai i nia, mai raro mai i te opu pape, ua fanauhia ia i roto i te ora api i te Mesia ra. E rave rahi te taata tei faahuru ê i teie nei oro'a mo'a. Te bapetizohia nei te aiu, mai te mea ra e, ua roaa te faaroo e te tatarahapa ia ratou. I roto ra i te haapaoraa mau a Iesu Mesia nei, e ora te mau tamararii Ia'na; ua ora ana'e ratou na roto i To'na taraehararaa, e ia pohe ratou a vai aiu noa'i ra, e ô ratou i roto i te hanahana Tiritiera, e e ore roa ratou e ere i te parahiraa maitai. Mai te au i tei faaitohia i nia nei, hoê noa iho huru to te bapetizoraa e te fanauraa, oia hoi, e tanuraa, oia atoa hoi, e utuhiraa i raro a'e i te pape, mai te au i ta Iesu, e te mau Aposetolo, raveraa.

E ia fariihia teie oro'a ra, ma te aau haehaa, ma te faaroo papu, ma te tatarahapa mau, e ia ravehia e te Autahu'araa a te Atua,— e matara ia ta tatou mau hara.

Ua tuu atura raua i to raua rima i nia ia ratou, noaa ihora te Varua maitai ia ratou ra. Te ture maha teie o te Evane-

lia nei, e na te Varua Maitai e faaite mai ia tatou i te Mesia ra, e e aratai noa'tu â ia tatou i nia i te e'a pirihaio, a faahotu mai ai i te hinaaro, te oaoa, te hau, te faaoromai, te mārû, te maitai, te faaroo, te mamahu e te hitahita ore. Na roto i te tuuraa rima nei, o te feia mana, e bapetizo faahou hia ia i te Varua: e ara te mata i te mau mea o te pae varua, e e roaa mai te faataa-ê-raa i te mau mea o te pae tino i to te pae varua.

Tera ia te mau ture mure ore o te Ekalesia a Iesu Mesia, o tei faatia faahou hia, e te Fatu iho, i te anotau hopea nei. E ia pahono i taua uiraa tahito ra, *E iti anei te ora?* E faahiti faahou i taua uputa pirihaio ra ma te parau a te Mesia o tei na ô mai e: O tei Faaroo, tei Tatarahapa e tei bapetizohia i roto i to'u nei I'oa, e ora ia.

Amene, amene, e parau atu vau ia outou, o te ore e na te uputa i te tomo i roto i te aua mamoe ra, o te pauma na te tahi e'a ê ra, e eia ia e te haru. Ioane 10:1.

Papahia e Beniamina Orometua,

E o te tama'i ia Ziona, e Pohe Ia Oia, Te na reira maira te Atua.

E PARAU mau anei teie tohu a Iakoba, te hoê o te mau peropheta o te atî Nephi, e a ore ra, aita?

I te taime i iteahia'i te fenua Amerika, na tonono atura te arii tane e te arii vahine, no Paniora, i te hoê taata i te fare o te pope o Alexandre VI no te aniraa'tu, na roto i te vaha o taua ve'a ra. A horoa mai no maua teie fenua apî, oia hoi, teie fenua tei itehia i te tooa o te râ.

Ua horoa'tu ra te Pope i taua fenua ra no raua, na nia i to'na mana i roto i te Ekalesia, oia hoi, te taatoaraa o te fenua, mai te apatoerau roa e tae noa'tu i te apatoa roa, e e haamata te reira i te toru hanere o te maile i rapae i te Azores e tae noa'tu i te hopea o taua fenua ra: e e mea papu te reira te fenua tei rahi roa'tu i te mau fenua atoa tei riro i te tahi taata i te reira matahiti.

I roto i taua parau faatia ra ua parauhia e, A rave orua i te mau mea atoa ia nehenehe e ia riro te mau taata o taua fenua ra ei melo no te Ekalesia.

Ua haapao anei raua i taua parau ra ?

E, ua haapao raua i taua parau ra, no te mea, aita roa ratou i farii e, e huaai teie mau taata no Adamu; ua parau ra ratou e, e mau Etene ana'e te taata i reira. E no te rahi o te mau taata i taparahihia e ratou, hoê â ia huru e ua papai o Cortez raua o Pizzaro, i to raua iho i'oa, ma te toto o te taata, mai te tahi hopea e iae noa'tu i te tahi hopea i roto i na fenua e piti ra o Mexico e o Peru.

Ua na ô maira te hoê taata paari no te fenua Amerika, o Draper to'na i'oa.

Te ati i te fenua Amerika. --- E te faainoraa o te Hau Paniora i te fenua Amerika.

No te puai o to ratou hinaaro i te piru aita ratou i faatia e, e huaai te mau taata Initia no Adamu, e aita roa. Ua haere te mau taata Paniora e ua taparahi noa ratou i te mau Initia, mai te huru ra e, e mau puua ana'e ratou e ua haru ratou i te mau fenua o te mau taata no nia i te mana o te Ekalesia. I muri iho ua haru ratou i te mau taata, no te mea ua na ô maira ratou e, ua horoahia mai te mau Etene ei tavini no te mau taata no te Ekalesia, e noa'tu i te huru o te taata, te tane, te vahine e te tamarii, ua haru noa hia ratou e te Paniora. Ua pohe roa te tahi pae i te vahi mahana roa, no te mea ua tairi noa te Paniora ia ratou, e ua pohe te tahi pae i roto i te vahi poiri roa, oia hoi, no te imiraa i te mau metalo, mai te piru e te ario, i roto i te mau mou'a, e aita te hoê noa'e taata i faahapa ia ratou, maori ra, o te Atua ana'e. I roto i te reira ohipa iho ua rave rahi te milioni o te taata tei pohe, e ua parau mai te Episekopo no Chiapa, ua taparahihia i nia'e i te ahuru o te milioni o te taata, mai te reira tau e tae roa mai i to'na iho tau; ua faaore ratou i te mau taata no te fenua Mexico e te fenua Peru, e e mau taata ratou i mua'tu i te ite i te mau taata no te fenua Europa.

E ua na ô mai taua raata paari ra o Draper, tei reira te tumu i topa'i te Hau Paniora, mai te Hau puai roa'tu i te ao nei, i raro roa i te Hau paruparu roa. I te matamua, i roto i te fenua Paniora, te vai ra te tahi mau oire rarahi ua milioni te taata i roto ra, e i teie nei, o te tahi ana'e na tauatini taata te parahi ra i roto i taua mau oire ra.

I te 13 no Eperera, i te matahiti 1931, ua horo ê atu te arii ra o Alphonse XIII, no te mea ua faaore te mau taata Paniora i te hau arii, e i teie nei, o te mau ivi ana'e o te fenua Paniora teie e toe nei. E i te ava'e Tiurai, i te matahiti 1936 i taua fenua Paniora ra, ua haamata ratou i te vavahiraa i te mau ivi o taua tino ra, e mai reira mai â, e tae roa mai i teie nei, te vavahi noa ra ratou i taua mau ivi ra.

No reira, e parau mau te tohu a Iakoba, oia hoi:

E e riro teie nei fenua ei fenua tiamâ i te mau Etene, e e ore e vai te mau arii i nia i te fenua, o te tupu i rotopu i te mau Etene. E e faaetaeta au i teie nei fenua i te mau fenua atoa. E o te tama'i ia Ziona, e pohe ia oia, te na reira mai-ra te Atua.

O tei faatia hoi i te hoê arii ia'u ra, e pohe ia oia, no te mea, e riro van, te Fatu, te arii o te ra'i, ei arii no ratou; e riro vau ei maramarama ia ratou i tei faaroo i ta'u ra parau, e a muri noa'tu. II Nephi 10:11-14.

Papaïhia e Noela Crometua.

EDITORIALE

THOMAS L. WOODBURY.

Eaha te tia ia Tatou ia rave no Tei Pohe i te Ma'i?

ETAU mau hoa here e, te parau atu nei au, a tauturu atu i tei au ia tauturubia; a aupuru atu i te feia veve. A tuu atu i te rima aroha i tei pohe i te ma'i e tei roohia i te ati. Eiaha e haamo'e i te tamarii e a haapii ia ratou i te pure; *Te Faaroo i te Fatu ia Iesu Mesia*. Ua pau te rahiraa o te taime o te Fatu, i nia i te ao nei, i te haapii noa raa i te Evanelia e te faaoraraa i te feia tei pohehia i te ma'i.

Ua faaora atoa hia te mau feia tiaraa teitei. *Mat 9:18-19.* Ua rave rahi tei haere mai Ia'na e ua faaorahia ratou. *Luka 4:40; 12:13.* E ua faaora atoahia te matapo. *Mar. 8:25.* Ua horoa te Faaora i taua mana faaoraraa i te mau Apose-tolo. *Mareko 16:18.* E haere atura taua mau taata ra, tei haamanahia, no te haamaitairaa i tei pohe i te ma'i ma te faatahinu ia ratou i te olive mo'a. *Mareko 6:13.*

Ua ravehia te reira mana i roto i te Ekalesia, i te matamua i te tau no Iesu Mesia iho, e e raverahi tei faaorahia i te mau mahana o te Peropheta ra o Iosepha Semita. Te vai noa nei taua mana ra i teie nei, e e mea tia roa, i tei roohia i te ati, ia tii ratou i tei mau i te mana no te Autahu'araa e ia farii i te mau haamaitairaa te tia ia ratou ia horoa.

E mea tia roa ia faaroo tatou i te parau tei papaihia i ro-to i te Iakobo 5:13-17, ia riro tatou ei feia puai, maitai, oa-oa, anaanatae e ei pipi manuia no Iesu, te Fatu haehaa e te here hoi.

TE PARAU AUTAHU'ARAA.

TIHOTI M. Lake
LEVI Leatham

BENIAMINA Winkel
ELEDONA Mortensen

Haapiiraa no te Ava'e FEPUARE.

Parau Tumu: Alama 36:7-II.

A RAVE i te pure ei mana no te faatupuraa i te faaroo i te Fatu; a haapii atu i te faufaa no te pure mau; Ia vai e no te aha tatou e pure ai? A faaite na i te hoturaa o te pure i te tau o te Mesia. Tei ia vai te mana ia faaora? Eaha te ohipa ta te haapaeraa maa e ta te pure e faatupu i nia i te parau faaite o te hoê taata? Eaha te hopea o to Iosepha Semita pure? To Daniela pureraa? Te mau pure a te mau Aposetolo, e te mau Feia Mo'a, i muri a'e i to Iesu faa-

satauro-raa-hia. Eaha te pahonora a Paulo e ta Alama?

A tamau noa i te pure, ia upootia outou i te mau mea atoa.

Buka Fafau 10:5.

Ua riro ta outou mau peu e te huru o to outou oraraa ei api parau i neneihia ra; e i nia i te reira te taata e tai'o ai e, eaha te huru i roto i to outou aau.

Na Te Mau Maapii

Mahaere na te mau uluafare,

7. *Te faaroo-nei matou i te parau éé, te tohu, te heheuraa parau, te orama, te faaoraraa i te ma'i, e i te iritiraa i te parau éé, etc. Ioane 14:12.*

O te faaroo ia Iesu ra, e rave atoa hoi oia i te mau semeio e te mau huru ohipa i ravehia e te Mesia, e e rahi atu âta'na, no te meaa ua na ô atura te Fatu: *Te haere nei Au i tau Metua ra.*

Ia tae maira te mau mahana hopea nei, ua na ô mai te Atua: *E ninii atu ai au i tau Varua i nia iho i te mau taata atoa, e na to outou mau tamarii tamaroa ra e te mau tamahine e tohu, e e ite hoi to outou mau taata apî ra i te orama, e to outou hoi mau taata ruhira ra, e taotootokia ia. E ninii atu vau i tau Varua i nia iho i tau mau tavini tane e tau mau tavini vahine i te reira mau mahana; e e tohu hoi ratou. Ohipa 2:17-18.*

E faaitoito tatou paatoa ra ia noaa mai te ite e te maramama i tohuhia ra, e te maitai no te feia eimi i te mea tia ra.

E hi'opoa maite i te mau mea atoa ra; o tei maitai ra, a tapea maite ia. O te faaueraa ia a te Aposetolo ra o Paulo. E imi pinepine atoa i te parau mau a te Fatu ra, ia faaorahia. I Tesalonia 5;19-21.

Ia pohe ra te hoê i te ma'i, a tii i te mau peresibutero no te Ekalesia ra, e na ratou e pure ia'na, ma te faatahinuraa mono'i, ia ora oia. Iakobo 5:14-15.

TE SOTAIETE VAHINE TAUTURU.

MAUDE WOODBURY.
TOTARE GREEN.NOROTA HARDY,
JOSEPHA G. STEVENS

Haapiiraa no te Ava'e FEPUARE.

*Mahana Maha (Matamua)**Te mau Parabole a te Mesia.*

Mataio 13:3-8; 21:33-34; 13:24-30, 31-33, 47-50; 22:1-14.

" 25:1-13; 20:1-16; 25:14-30; 13:44-46; 18:21-35.

Mareko 4:26-29.

Luka 13:6-9; 14:16-24; 19:11-29; 18:9-14; 11:5-9; 18:1-8;

" 10:25-27; 15:4-7, 8-10, 11-32; 12:16-21; 16:19-31;

" 16:1-9; 18:1-8.

*Mahana Iritiraa mana'o.**Mahana Maha (Piti).*

E faaetaeta e e faaitoito hoi te mau tuahine i roto i ta ratou hahereraa na roto i te mau utuafare e tia'i.


E e imi i te tahi mau irava tauturu no roto mai i te mau parabole a te Mesia.

Mahana Maha (Toru).

Ia pohe te taata, tei hea ia te parahiraa o te varua taata? E noho anei te varua o te feia parau-tia ore i Paradaiso?

*Tai'o i te Alama, i te pene 40.**Mahana Maha (Maha)*

E maiti i na tuahine tootorn, e na ratou e faaite mai i te mau ravea no te faaamu maitairaa, i te maa, i ta ratou mau tamarii? Eaha te huru o te tunuraa i te maa? Eaha te hora e au no te amuraa i te maa?



HAAPIIRAA SABATI.

Goladena W. Mack
Teneta A. Wilde

Anderea N. Machen
Pereti B. Asay

Haapiiraa no te Ava'e FEPUARE.

IRAVA TAMAU AAU. ROMA 1:16.

- Feb. 6. Ua tama'i atura te atī Lamana i te Feia parau-
tia. Alama pene 24.
Feb. 13. Ua riri te atī Lamana. " 25.
Feb. 20. Ua paruruhia te atī Nephi-Lehi. " 27.
Feb. 27. Ua haavīhia te atī Lamana. " 28.

Na te Pupu Piti.

A hi'o i te apī matamua no teie nei ve'a, te Editoriale e te parau no na Haapii hahāere na te mau utuafare.

Te Paraimere.

- Feb. 6. Iesu i roto i te Ō i Getesemane. Mat. 26:30-56.
Feb. 13. Te haavareraahia o Iesu. Ioane 18:1-25.
Feb. 20. To Iesu pureraa a taoto ai
ta'na mau pipi. Luka 22:39-47.
Feb. 27. Na hunaraa e toru a Petero
i te Mesia. Mareko 14:26-32.

A haapii i to Iesu here i to'na mau taata tupu, i ta'na mau pipi e te mau taata tei pee ia'na, i te mau tau tuuraa evanelia atoa.

Inaha, e ao a'era, i putuputu mai ai te mau taata i te vahī hoê, e na ratou i hi'o e i faaroo hoi i taua mau tamarī ra; oia mau, ua parau to te mau aiū ra vaha, e na ratou i faaite i te mau mea maere; e ua tāpeahia te taata eiaha e papai i ta ratou i faaite maira. III Nephi 26:16.

HAAPIIRAA NA TE FEIA API.

TENA Palmer

NOELA. C. Devey

VERANONA C. Thurgood

VELA C. Hunting.

HAAPIIRAA NO TE AVA'E FEPUARE.

Papaihia e Goladena W. Mack.

Haapiiraa Hoê.

Irava tamau aau: Mataio 17:20.

Te Auraa No Te Faaroo.

Te faaroo nei matou e, o taua mau faaueraa ra, te matamuaraa : o te FAAROO ia i to tatou Fatu o Iesu Mesia.

*Hiro'a Faaroo N° 4.**Uiraa 1.* Eaha te auraa no te parau Evanelia ?*Pahonoraa.* Te parau apî ia a te Atua. (E parau Heleni.)*Uiraa 2.* Eaha ia te Evanelia o te Mesia ?*Pahonoraa.* O te mana ia o te Atua, ia ora te feia atoa i faaroo ra.*Uiraa 3.* Eaha te faaroo ?*Pahonoraa.* O te tiaturi ia i te mau mea e tiaihia nei, e te ite i te mau mea aore e hi'ohia nei, e te tiaturi i te tumu mau o te taata, e i te mau parau a te Atua.*Uiraa 4.* Eaha te mea matamua tei titauhia i te taata, hou a ô ai oia i roto i te Ekalesia mau ?*Pahonoraa.* Ia roaa ia'na te faaroo i te mau mea e i te mana te ore i itehia i te haapaora e te ohipa a te taata nei. E e faaroo ia te faaite mai e, te vai nei te Atua, e ora te taata nei.*Uiraa 5.* Ia rahi te faaroo o te taata, eaha te tia ia'na ia rave ?*Pahonoraa.* E tia ia ia'na ia rave i te ohipa maere a te Atua, mai te au i to'na faaroo. O te huru ia o te mau taata ite, ia faaroo ratou, e tia ia ratou ia rave i te mau ohipa maere, e na roto i to te Atua faaururaa ia ratou e iteahia'i taua mau ohipa maere ra, mai te radio, te pereoo uira e te tahi atu â mau ohipa mai te reira te huru.

Uiraa 6. Te ture o te faaroo, e ture aha ia?

Pahonoraa. E ture ia no te mau taata atoa, eiaha ra no te hoê mau pūpū taata ana'e, no te mau taata atoa ra.

Uiraa 7. Eaha te mea te tia ia vai, i roto i te taata, ia mauruuru te Metua i nia i te ra'i?

Pahonoraa. Te faaroo. Aore e faaroo ra, aore roa Oia e mauruuru.

Uiraa 8. Eaha te mea te faatupu i te Faaroo?

Pahonoraa. E tupu te Faaroo na roto i te faaroora i te parau a te Atua, e na roto i te haapii i te parau a te Atua; ei reira to tatou Faaroo e tupu ai.

Uiraa 9. Eaha â ia te tahi na ravea no te faatupuraa i to tatou faaroo?

Pahonoraa. Na roto ia i te pure e i te haapaeraa maa; e na roto hoi i te raveraa i te Oro'a a te Fatu.

Uiraa 10. Na roto i te aha e pohe ai te faaroo?

Pahonoraa. Na roto i te hara e pohe ai te faaroo, no reira, ia hinaaro noa'tu tatou ia tupu to tatou faaroo i te rahi, eiaha tatou ia mairi i roto i te hara; ia haapao ra tatou i te mau parau a te Atua.

PARAU TAUTURU:

Roma 1:16,17;
Hebera 11:6:

Hebera 11:1;
Mataio 17:20.

Hebera 11:5;
Mareko 9:29.

Haapiiraa piti.

TE FAAROO MAU MA TE AAU HAEHAA.

Uiraa 1. Eaha te niu o te faaroo i te Atua?

Pahonoraa. O te faaroo mau ia mai te au i to tatou ite Ia'na ra, na roto i te mau tapao, te mau taata paari e te mau taata mana i roto i te Ekalesia.

Uiraa 2. Mai te au i tei papaihia i roto i te Bibilia, i te Faufaa Tahito, a faaite mai na i na ohipa maere rahi e toru tei ravehia na roto i te faaroo rahi?

Pahonoraa. 1. O te haereraa o te atî Iseraela, no roto mai

i te f
roto
te A
ra, u
uteu

2.

Iosu
ua m
o te

3.

Goli
rei ia
pa m

Ui

vane

Pa

faaro
raau
ia'na

Ui

Pa

Ui

sia,
o te
ia fa

Pa

Tahi
Tahi
ua ti
te ta

Ui

mai i

Pa

Atua

Ui

Pa

Ui

roto

i te fenua Aiphiti, a pee ai ratou na muri i to ratou aratai i roto i te miti uteute, e na roto i to ratou faaroo e te mana o te Atua, ua faaorahia ratou i te miti ra, area, te atī Aiphiti ra, ua paremo roa ratou i to ratou haereraa na roto i te miti uteute.

2. Na roto i te faaroo i te parau a te Atua i faaineine ai o Iosua, e ta'na mau pīpī, i te haamouraa i te aua o Ieriko, e ua mairi roa ihora te aua o taua oire hara ra i mua i te aro o te feia faaroo tei haere mai ma te mauhaa tama'i ore.

3. No roto i te faaroo, e te mana o te Atua, i pohe ai o Golia, te aito o te Philiseti, ia Davida, te taata apī, tei fare-rei ia'na ma te i'oa o te Atua. E rave rahi atu â te mau ohipa maere tei ravehia na roto i te faaroo e te mana o te Atua.

Uiraa 3. Eaha te tumu matamua i heheuhia mai ai te Evanelia?

Pahonoraa. Na roto ia i te faaroo, e na roto hoi i to'na faaroo i pure ai o Iosepha Semita i te Atua, i roto i te uru raau, e ua fâ maira te Metua, e Ta'na Tamaiti fanau tahi, ia'na ra.

Uiraa 4. Eaha te niu o te parau mau?

Pahonoraa. O te faaroo ia.

Uiraa 5. E noaa mai te ora na roto i te taraehara o te Mesia, na roto i te haapaoraa i te mau ture e te mau faaueraa o te Evanelia. No reira' ia noaa i te taata te ora, e tia ia'na ia faaroo i te aha?

Pahonoraa. Ia faaroo papu oia i te taatoaraa o te Toru-Tahi, oia hoi, ia faaroo te taata i te hoê noa iho o te Toru-Tahi ma te patoi atu i te tahi, e ore roa e noaa ia'na te ora, ua titauhia ra ia faaroo i te taatoa ei ravea e roaa'i te ora i te taata.

Uiraa 6. Eaha te hoê horoaraa rahi ta te Atua i horoa mai i te taata nei?

Pahonoraa. O te Faaroo ia i te hoê horoaraa mo'a a te Atua.

Uiraa 7. Na roto i te aha te ao nei i hamanihia'i?

Pahonoraa. Na roto ia i te faaroo.

Uiraa 8. Na roto i teihea mana e ravehia'i te semeio, e na roto i te aha e fâ mai ai te melahi i te taata nei?

Pahonoraa. Na roto ia i te faaroo o te taata nei e tia'i i te Atua ia rave i te semeio e ia fâ mai te melahi.

PARAU TAUTURU:

Exodo 24:22-29: Hebera 11:3-30; Iosua 6:20;
Ioane 3:36: I Samuela 17:45; Moroni 10-11; 7:37.

Haapiiraa Toru.

Te Faaroo o te Feia Aneti-Nephi-Lehi.

Uiraa 1. O vai teie mau taata i parauhia e Aneti-Nephi-Lehi ?

Pahrnora. O te mau taata no te atî Lamana,—Oia hoi, te mau taata no te atî Lamana. (Alama 23:14-17.)

Uiraa 2. Eaha te tumu na mairihia ratou i taua i'oa ra ?

Pahonoraa. Ia taa ratou i to ratou mau taeae. (Alama 23:16.)

Uiraa 3. Eaha te tumu ua hinaarô ratou ia taa ratou i to ratou mau taeae ?

Pahonoraa. No te mea ua faafariuhia mai ratou i te Evanelia.

Uiraa 4. Eaha te tumu aita te mau feia Aneti Nephi-Lehi i faaineine no te tama'i i te atî Lamana ?

Pahonoraa. No te mea ua tatarahapa ratou e ua faaore te Atua i ta ratou mau hara; no reira, aita ratou i hinaaro ia viivii faahou ta ratou mau o'e i te toto o to ratou mau taeae, e ore hoi te reira e mâ faahou i te toto o te Tamaiti a to ratou Atua, o te haamaniihia ei taraehara no ratou. (Alama 24:12-13.)

Uiraa 5. I te taime i tae atu ai te atî Lamana, i nia i te feia Aneti Nephi-Lehi, no te tama'i atu ia ratou, e te iteraa te atî Lamana i ta teie mau feia ravea no te patoi raa'tu ia ratou, eaha te mea i tupu ?

Pahonoraa. Ua ite te atî Lamana i te tatarahapa mau a teie mau feia Aneti Nephi-Lehi, o tei arue i te Atua na roto i to ratou poheraa. E i reira ua ite te atî Lamana i te huru o to ratou faaroo, e i muri a'era tatarahapa ihora ratou i ta ratou mau hara. (Alama 24.)

Uiraa 6. O vai te mau taata tei amui mai i te feia o te Fatu, i muri a'e i to ratou tama'iraa ?

Pahonoraa. O te huaai mau ia ratou no Lamana e no Lemuela.

Haapiiraa Maha.

Te Faaroo ma te Ohipa.

Uiraa 1. Eaha ia te Faaroo ? E te Ohipa ?

Pahonoraa. O te faaroo nei, o te tiaturi ia i te mau mea e tiaihia nei, e te ite i te mau mea aore e hi'ohia nei. Heb.1:11

O te ohipa ra, o te raveraa ohipa ia no te mau mea i faatupuhia e te Faaroo.

Uiraa 2. Eaha te mea i haapaohia e te taata, hou to'na raveraa ohipa ?

Pahonoraa. O te Faaroo ia, no te mea, o te Faaroo ia te niu e te tumu mau no te mau Itoito atoa. (II Kor. 5:7.)

Uiraa 3. Eaha te mau mea te tia i te taata ia haapao, ia noaa ia'na te ora mure ore ?

Pahonoraa. Te Tatarahapa, te Bapetizoraa e te Tuuraa rima.

Uiraa 4. E faufaa anei taua mau mea ra, mai te mea aita te taata e haapao i te mau faaueraa a te Atua, a rave noa'i oia i te ohipa no te Evanelia ?

Pahonoraa. Aita.

Uiraa 5. No te aha ?

Pahonoraa. No te mea e haavahia te taata mai te au i te mau huru ohipa tei ravehia e ana i te pae tino nei. (Apokalupo 20:12-13; Ioane 2:4-6.

Uiraa 6. Eaha ia te auraa no te irava tei papaihia i roto i te Iakobo 2:21, oia hoi: *Aore anei to tatou Metua ra o Aberahama i tiahia mai i te ohipa, a hopoi ai oia i ta'na tamaiti ia Isaaka i nia i te fata ra ?*

Pahonoraa. Ua rave oia i te ohipa no te tusia ei tapao no to'na faaroo mau, e na roto i to'na faaroo mau, ma te ohipa, ua faaite te Atua ia'na: *Eiaha to rima e rave noa'tu i te tamaiti na, eiaha roa oia e hauti-noa-hia'tu e oe.* Gen. 22:12.

Uiraa 7. Eaha ia te auraa no teie irava: Mai te tino nei hoi ia ore te varua ra, e mea pohe ia, oia atoa te faaroo aore e ohipa ra, e mea pohe atoa ia ?

Pahonuraa. Hoê â huru te varua e te ohipa, ia ore raua, ua pohe te tino e aita e faufaa no te faaroo.

TE PARAIMERE

ROBETA M. Johnson.

HENERE C. Teeples.

RAREFA R. Taylor.

NILE B. Chug.

HAAPIIRAA NO TE AVA'E FEPUARE.

Ua au hoi te parau i maitihia na te Feia Api ei haapiiraa na te Paraimere.

A haapii i teie nei himene api. S. S. Book, page 108.

Aue te nota mamu ra,

I roto i te raau;

No reira hoi,

No reira hoi,

E pate te oe,

E pate te oe.

Na te hoê o te Paraimere e aratai i te pûpû i roto i te pure,
I te pure no te haamaitairaa i te maa.

” ” poipoi.

” ” ahiahi.

” ” Fare Pureraa.

TE MAU PARAU API

I te 19 no Novema i mairi a'enei, ua pohe roa to tatou taeae o PAHOA a RUA te Peretiteni no te Amaa i Hikueru mai te matahiti 1919 mai â. Ua rave itoitoe oia i te ohipa no to'na toroa e tae noa'tu i to'na poheraa.

Marcel Bonnet, Gérant

Thomas L. Woodbury, Imprimeur.

Rue Dumont d'Urville, Orovini, Papeete, Tahiti.

Te i
Mahar
hu'ara
araa a
a MEL

Te t
haa i
ohipa
nehera
operer
i te fa
ro tia
pa.

Hoê
faatere
maitih